

## 09.03 MARELLA

---

### 50 onns San Bernardin – il tunnel che collia e separa

*Il 1. da december 1967 è vegnì inaugurà il tunnel dal San Bernardin, quella giada il pli lung tunnel da via tras las Alps.*

Il pleds da festa èn entusiastics. Cun il nov tunnel sperain nus da promover il turissem, da crear novas plazzas da lavur e d'intensivar ils contacts cun ils vischins da tschella vart dal tunnel. 50 onns suenter è la bilantscha ambivalenta: Ils turists passan sperasvi cun lur autos e na ferman



ni a Valragn ni en la Val Mesauc. L'autostrada ha purtà bler traffic e canera. E las relaziuns tranter ils vitgs al nord ed al sid dal tunnel èn, cuntrari a las speranzas, vegnidas cun ils onns main stretgas. Ma grazia al tunnel han era blers pudì restar en lur vitgs: Els penduleschan oz a Tusaun, Cuir u Bellinzona.

*Redacziun: Christina Caprez*